

**INFORMACIJA O AKTIVNOSTIMA
OPĆINSKE IZBORNE KOMISIJE NOVO SARJEVO
(23.11.- 27.12.2023. godine)**

Dana 23. novembra 2023. godine Općinska izborna komisija Novo Sarajevo je održala **14. redovnu sjednicu** na kojoj je, prema planu aktivnosti vezanih za izbore članova savjeta mjesnih zajednica na području općine Novo Sarajevo, izvršeno pripremanje i pakovanje izbornog materijala za 14 biračkih mjesta. Također, urađen je plan distribucije izbornog materijala.

Općinska izborna komisija Novo Sarajevo je održala **15. redovnu sjednicu dana 26. novembra 2023. godine** kada su održani izbori za članove savjeta mjesnih zajednica na području općine Novo Sarajevo. Izborna komisija je tokom izbornog dana u redovnim intervalima obilazila biračka mjesta, pružajući pomoć i podršku biračkim odborima u provođenju izbora. Nakon zatvaranja biračkih mjesta, Izborna komisija je vršila prijem izbornog materijala, te radila na utvrđivanju zbirnih rezultata izbora koji su potom objavljeni na službenoj web stranici Općine i oglasnim pločama mjesnih zajednica.

Dana 29. novembra 2023. godine Općinska izborna komisija Novo Sarajevo je održala svoju **16. redovnu sjednicu**. Na sjednici su razmatrana dva prigovora protiv zbirnih rezultata izbora koji su objavljeni na web stranici Općine Novo Sarajevo 27.11.2023. godine. Oba prigovora su odbačena obzirom da se isti nisu odnosili na kršenje Uputstva o provođenju izbora za članove savjeta mjesnih zajednica na području općine Novo Sarajevo, već na distribuciju mandata u savjete mjesnih zajednica. U nastavku sjednice, članovi OIK-a su raspravljali o prijedlogu Izvještaja o rezultatima provedenih izbora za članove savjeta 14 mjesnih zajednica na području općine Novo Sarajevo, koji je jednoglasno usvojen. OIK je jednoglasno donio Zaključak o isplati naknade za rad članova i zamjenskih članova biračkih odbora i Zaključak o isplati naknade za rad lica angažovanih u procesu izbora za članove savjeta mjesnih zajednica na području općine Novo Sarajevo.

Dana 1. decembra 2023. godine Općinska izborna komisija Novo Sarajevo je održala svoju **17. redovnu sjednicu**. OIK Novo Sarajevo je dana 1. decembra 2023. godine zaprimio Odluku Općinskog vijeća Novo Sarajevo o raspisivanju izbora za članove savjeta četiri mjesne zajednice na području općine Novo Sarajevo, te u skladu sa tim OIK je bez odlaganja jednoglasno usvojio Uputstvo o provođenju izbora za članove savjeta četiri mjesne zajednice, Uputstvo o rokovima i redosljedju izbornih aktivnosti za izbore članova savjeta četiri mjesne zajednice, Javni poziv za dostavljanje kandidatura za članove savjeta četiri mjesne zajednice na području općine Novo Sarajevo (Čengić Vila II, Kovačići, Gornji Kovačići i Kvadrant), Javni poziv za akreditovanje posmatrača za izbore za članove savjeta četiri mjesne zajednice na području općine Novo Sarajevo („Čengić Vila II“, „Kovačići“, „Gornji Kovačići“ i „Kvadrant“), te Obavještenje za prijavu lica koja su zbog starosti, bolesti ili invalidnosti vezana za svoje domove, za glasanje putem mobilnog tima na izbora za članove savjeta četiri mjesne zajednice na području općine Novo Sarajevo („Čengić Vila II“, „Kovačići“, „Gornji Kovačići“ i „Kvadrant“), zajedno sa obrascima.

Dana 12. decembra 2023. godine Općinska izborna komisija Novo Sarajevo je **održala 4. hitnu korespondentnu sjednicu**. OIK je jednoglasno usvojio kandidatske liste, kao i termin za žrijabanje radi utvrđivanja redoslijeda kandidata na kandidatskim listama za izbore članova savjeta četiri mjesne zajednice na području općine Novo Sarajevo.

Općinska izborna komisija Novo Sarajevo je **dana 13. decembra 2023. godine** je održala svoju **18. redovnu sjednicu**. OIK je proveo žrijebanje radi utvrđivanja redoslijeda kandidata na kandidatskim listama za izbore članova savjeta četiri mjesne zajednice. U daljem toku sjednice, OIK je jednoglasno donio rješenja o imenovanju predsjednika i članova biračkih odbora za četiri biračka mjesta, te izvršio akreditovanje dva posmatrača.

Dana 20. decembra 2023. godine je održana **5. hitna korespondentna sjednica** Općinske izborne komisije Novo Sarajevo. Na navedenoj sjednici je raspravljano o nadležnostima OIK Novo Sarajevo u procesu dodjele mandata u savjetima mjesnih zajednica na području općine Novo Sarajevo i primjeni relevantnih odredbi Statuta Općine Novo Sarajevo i Statuta mjesnih zajednica.

Dana 24. decembra 2023. godine je održana **19. redovna sjednica** Općinske izborne komisije Novo Sarajevo, kada su održani izbori za članove savjeta četiri mjesne zajednice na području općine Novo Sarajevo. Izborna komisija je tokom izbornog dana u redovnim intervalima obilazila biračka mjesta, pružajući pomoć i podršku biračkim odborima u provođenju izbora. Nakon zatvaranja biračkih mjesta, Izborna komisija je vršila prijem izbornog materijala, te radila na utvrđivanju zbirnih rezultata izbora koji su potom objavljeni na službenoj web stranici Općine i oglasnim pločama mjesnih zajednica.

Dana 27. decembra 2023. godine Općinska izborna komisija Novo Sarajevo je održala svoju **20. redovnu sjednicu**. Članovi OIK-a su raspravljali o prijedlogu Izvještaja o rezultatima provedenih izbora za članove savjeta četiri mjesne zajednice na području općine Novo Sarajevo, koji je jednoglasno usvojen. OIK je jednoglasno donio Zaključak o isplati naknade za rad članova i zamjenskih članova biračkih odbora i Zaključak o isplati naknade za rad lica angažovanih u procesu izbora za članove savjeta četiri mjesne zajednice na području općine Novo Sarajevo.

Politika javnosti i transparentnosti: Općinska izborna komisija podsjeća da je njen rad javan i transparentan, u skladu sa Izbornim zakonom, podzakonskim aktima Centralne izborne komisije BiH i Poslovníkom o radu Općinske izborne komisije. Informacije o aktivnostima Općinske izborne komisije redovno i blagovremeno se objavljuju na web stranici Općine Novo Sarajevo, dok su njene sjednice, u pravilu, otvorene za javnost.